

洞玄靈寶自然九天生神章經注卷下

華陽復注

鬱單无量天生神章第一 天炁蒼色

天炁蒼色鬱單无量天生神章第一

道藏輯要

九天生神玉經

三


房集三
二二八

三元真經曰人之炁魂得之於天體魄得之於地無形無象自空中來從無至有住胎中十月其實九月每一月得一天之炁以生神九月炁滿神具出胎成人西山記曰善養生者由無而有不善養生者以有還無人當炁血方剛以所得神炁付之情欲血炁既衰以所有魂魄復歸天地身為枯木矣惟修真之士知精神魂魄皆天斲假於我故寶愛凝鍊久假不歸皆為我有矣

金書祕字云此天乃天魂精開陽之炁

帝真胞命元元一黃演之炁

帝諱霸霸羅



雲笈七籤云龍漢元年化生紫霄黃演君位居紫霄太皇天
梵天宮天中之帝以眞炁爲胞命元之始

王隱賢曰九章各有帝眞命元四字乃黃庭元王在命門之
下主生育之炁以宰制謂之帝以太一不耦謂之眞九天列
正皆從帝眞之命命一定而不易也元者炁始生之名易曰
大哉乾元萬物資始至哉坤元萬物資生當其元炁自下而
萌初胞壯如垂囊附於脾脾屬土物所由生中黃太一爲人
已命其炁流演不窮故云元一黃演

混合空洞炁飛爽浮幽寥廷康无期劫眇眇離本條苦魂沉九
夜乘晨希陽翹

道君曰元炁本於眇莽幽冥之外生乎空洞之間合而散散
而合也人未受生魂爽浮游於幽寥之地渺然無依自天上
往昔延康劫到今不知凡幾度生死出沒如花果之離本條
飄落散漫不入於土九夜者九地也鬼屬陰常居黑暗從其

類也沉淪既久皆欲翹首迎望太陽晨光以希開度

大有通玄戶鬱單降神霄黃雲凝靈府陰陽炁象交胞元結長命惡根應化消

此修真下手工夫也大有玉清宮名人身泥丸是也一陽初動吸大有宮之炁直下制伏陽精以通玄戶即臍後密戶也又得鬱單无量天降天晨金霄帝一雌雄之神於身中天晨爲雌金霄爲雄陽精經云回陽精於浮黎采黃炁於鬱單雌一雄一即心液腎炁爲嬰兒姪女也火上水下何以能交若能存守中黃端凝靈府也即心內想不出外想不入則水火陰陽自然交合陰陽既交五行顛倒靈芽自生胞元結就爲先

道藏輯要

九天生神玉經

三

房集三

× 80 二

天至精生生化化之基賦命一新向來惡根宿愆皆湔滌不復爲累浮山真率載閔仲先生聞之師曰寂然不動土之性也是爲真土蓋根塵已絕萬慮俱泯一真純全冥然寂然此鴻濛混沌時也雲宮黃房處也沖和之粹氤氳有象故曰黃雲至此則日月合璧神炁混融玄珠將成象太一漸歸真

桃康合精延二帝秀玉飄灌溉脫命門精鍊神不彫

桃康命門之神字合精延爲大洞之尊神守人臍下二帝靈帝尊帝也隱書云靈帝无太一則玄虛不同炁尊帝无太一則三一不居二帝之力並行不相悖也秀玉飄潔白貌一身生生之理從此發源十二時中太一之神運靈津灌溉命門

以固胞元所謂精鍊神不彫黃庭經云溉養靈根不復枯閉
塞命門保玉都

九天命靈章生神神自超元君過死尸司馬誦洞謠一唱萬真
和九遍諸天朝稽首恭劫年慶此榮舊苗

九天帝君降靈章之功召集真炁以生神神生可以超凡入
聖人身生門三十九死尸三十九既得生則恐死尸復開命
元君炁母過閉不令故炁侵也黃庭經曰須得至真乃顧盼
至忌死炁諸穢賤是也長生司馬歌洞章以贊生成之功司
馬一唱萬真交和悅而相應也九遍功滿諸天之炁皆來朝
合喜歷劫至今遇此機會向者已離本條今復苗苗如舊豈
不欣慶耶默希子云學道全真在此生迷人待死更求生有
生不可无生理縱得生時何處生詳味此詩可為生神鼓吹
也

道藏輯要


九天生神玉經

三

房集二
川三十一

上上禪善无量壽天生神章第一


天炁赤色



金書祕字云此天魂精陽明之炁

帝真胎命元洞冥紫戶之炁

帝諱靈霸



雲笈七籤云龍漢元年化生太霄洞冥君此天之帝以真炁為胎命元之始

道藏輯要

九天生神玉經

三

房集三

西嶽竇真人云凡人二月為胎一身本根從茲肇生故曰胎命元真人結胎神居紫戶根系命門絲絲若存无少間斷謂之胎息南華經云真人之息以踵靜而炁深也眾人之息以喉躁而炁淺也淺則胎元易散真炁易耗命門在北謂之洞冥以其炁上升於紫戶故曰紫戶之炁紫戶在兩眉間高一寸卻入骨三分无量結紫戶炁尊天中王開度飛玄爽凝化輪空洞故根離昔愛緣本思舊宗幽夜淪遐劫對盡大運通

无量壽天降注靈炁結於紫戶在九天中為炁尊帝也飛玄爽者謂死魂初為人時亦稟三洞飛玄之炁也天帝凝伫碧落轉輪化端於空洞中以開度之頃令脫故根昔愛之障獲

依緣大道爲本明悟舊日性宗且昔者因貪愛受苦沉淪幽夜動經遐劫今報對已盡當大運啟期可以更生矣

帝真始明精號曰字元陽嬰兒史伯華結胎守黃房斬根斷死戶熙願養嬰童

人受先天之炁而生有生之後一點元靈復歸兩腎中間卽帝真也始名精字元陽乃命門下一黃庭元王之名主此帝真嬰兒史伯華乃泥丸天帝君上赤子名玄凝天共秉真炁結胎黃房之中黃房中宮也胎炁旣成有神守之惡根死尸謂在心結習惡機欲根卽須斷絕稍有干犯則鉛飛汞走常令中和願養聖胎成嬰童也

道藏輯要

九天生神玉經

三

房集三
X118

禪善導靈炁玄哺飛天芳華景秀玉質精鍊自成容務玄育尙生羅列備明堂

天帝導引靈炁前旣結胎此當養胎也始自紫戶下三關復由泥丸降華池含漱芳香故曰玄哺灌溉周流嬰兒真炁充足自然體質如玉精鍊之久容貌自成也黃庭經云口爲玉池太和官嗽嚥靈液災不干體生光華炁香蘭卻滅百邪玉鍊顏審能修之登廣寒王隱賢謂華景采服日月光華以養胎解結自然容質玉潤胎中有二神一曰白炁君名務玄子字育尙生一曰玄歸子字盛昌其神與胎命同生偕諸神羅列明堂中蕭氏云人身三田皆有明堂洞房之室

太虛感靈會命我生神章一唱動九玄二誦天地通混合自相和九遍成人功大聖慶元吉散花禮太空諸天並歡悅一切稽首恭

帝命玉章生神太虛中感百靈交會正易所謂乾道變化各正性命也動九玄者一過聲聞九天也天地通者二過天地設恭也陰陽和合九遍數足人物皆被生成之功元者善之長吉則無不利諸天悅者天道貴生也

道藏輯要

九天生神玉經

三

房集三

梵監須延天生神章第三


天炁青色

天炁青色
帝真魂命元長靈明仙之炁

金書祕字云此天魂精始陽之炁

帝真魂命元長靈明仙之炁

帝諱寔靈頭靈



雲笈七籤云龍漢元年化生青霄明仙君以真炁爲魂命元之始

西嶽寶真人云受胎三月三炁周三魂降而神靈長趙玉蟾謂魂是陽炁陽炁明故曰明仙長靈卽黃庭經云黃炁鬱勃

道藏輯要

九天生神玉經

三

房集三
川上三

清且長

須延總三靈之元始炁分落落大梵布華景翠玉尊

須延天帝總攝三魂長靈明仙之炁實自之元始分化落落廣漠之象大梵者諸天之炁布满十方魂藏於肝屬木應春其色青故曰華景翠玉尊

明梵飛玄景開度長夜魂遊爽赴期歸炁炁返故根

人之受生必本於梵炁中有受生之神名曰明梵救苦總咒有六炁咸遵明梵演招蓋指此也玄景龍名言明梵之神乘龍飛空開度死魂於長夜陰境游爽謂魂爽游蕩今得受生若久遊赴歸期也炁炁返故根者昔年一身已散之炁皆還

元也

太帝號陽堂字曰八靈君九開回錄道胎炁生上元陵梵度命籍太一輔精延泥丸敷帝席三部八景分魂生攝遊炁九轉自成仙

太帝精魂名陽堂玉字八靈九開天帝魂名回錄道字絕冥川太素玉籙云三月爲魂其炁本自胎而生又太和皇成老子主胎元之炁出入於紫微正在崑崙太一所居之處卽泥丸上宮也故云胎炁生上元陵梵乃萬靈帝君又名神丈人字履昌靈守人兩眉間紫戶內宮司人年命壽夭精延乃命門桃康君字守臍中關主握一點元陽之炁亦合會於泥丸

道藏輯要

九天生神玉經

言

房集三
x〇三

上宮太一尊神務猶收在玉枕下泥丸後戶輔而翼之與之混合遂敷正其席於是三部八景之神亦各分布整具嚴肅修真之士養陽聚魂則八景合光洞照泥丸收攝萬靈晨登天老之室聚精會神伐滅胞根上昇仙都大洞經云太帝上元炁日中司命童煥然成光明披霞乘帝嵬列坐震靈席混合五日同八景照泥丸朗然洞房中

琅琅九天音玉章生萬神三遍列正位炁參八辰門玄關過死戶靈鎮津液源應會感靈數明道潛迴輪慶此嬰兒蛻藉首讚洞文

九天玉章音韻琅然下生萬神三轉一身神炁各正厥位八

辰門遷神經注云人頂骨有八片上應天之八門紫虛道君
洞房上經云上紫門望八辰引丹宮具明神是也天之八門
東名青華元陽門南洞陽太光西通陰金闕北陰生廣靈東
北靈通禁上東南始陽生炁西南玄黃高晨西北九化梵行
門也或謂身中八景之炁上參此八辰之門玄關謂下丹田
真訣云守閉玄關內引九真三炁運液灌溉丹田臍下三寸
卽生門也生門若開死尸自閉如此則靈炁鎮靜津液源源
而生以滋百骸學仙之人善緣夙契外能宣明道化內能潛
回一身陰陽之機專炁致柔功成九轉身外有身嬰兒蛻矣
寂然兜術天生神章第四 天炁綠色

道藏輯要

九天生神玉經


三

房集三
川上上

金書秘字云此天魂精太陽之炁

帝真魄命元碣尸冥演由之炁

帝諱霽震靈



雲笈七籤云龍漢元年化生碧霄演由君故此天中之帝以
眞炁爲魄命元之始魄爲物魂爲神魂炁主昇魄體主降魂
輕清魄重濁故云碣尸碣者如石之固也冥演由者自由好
逐之義以魄屬陰好遊蕩故曰冥演由

道藏輯要

九天生神玉經

三

房集三
川文川

寂然无色宗兜術抗大羅靈化四景分萬條翠朱霞

上章言玄元始炁分卽三炁分化此言四景乃三炁之下炁
炁所化之天也抗蔽也居大羅之下若藩蔽然翠朱霞梵炁
流布之景

遊魄不顧返一逝洞羣魔神公攝遊炁飄飄鍊素華榮秀椿劫
期乘運應靈圖

魄者陰靈之聚好遊蕩欲人死逝去逐於六洞陰魔以爲得
朋仙經有制魄之方閉炁七息叩齒七通心存鼻端白炁須
臾漸大貫一身然後嚙液七口急呼魄名尸狗伏矢雀陰蜚
毒天賊除穢臭肺呼畢靜定則魄自甯神公王氏謂玉清上

相曾受命制伏北酆掌討罰之師故號神公仗其威武攝回
遊魄又肝神无英公子名玄元叔字神公子主魂修鍊之士
必使魂常附魄如日光之載月質魄常檢魂如月質之受日
光則魂不馳魄不去遂能登仙若魄不受魂魂不載魄則魂
遊魄降而人死矣今遊魄既回鍊之結成素華而延壽可同
大椿之年乘運應靈圖者美學仙有宿緣也

空洞生神章瓊音逸九霞一唱萬真會騫爽合成家九轉景靈
備鬱鬱耀玉葩兜術開大有一慶享祚多上聖回帝駕嬰兒歟
以歌不勝良辰會一切稽首和

空洞生神章瓊音逸九霞者玉章之音合三洞飛玄之炁而

道藏輯要

九天生神玉經

三

房集三
川卷一

成九陽之精也一唱詠問天地萬神交會况我身陰陽魂魄
精爽安得不合成一家乎王氏云魄以魂爲家魂魄既合理
况騫違九轉景靈備者功滿神炁備具景靈身中虛明神靈
之炁也玉葩光彩貌於此見兜術天帝度人之功大有矣一
慶享祚多者長生久視无災害也上聖回駕度人功成嬰兒
歌者法身已見宜乎萬神悅而同應也

波羅泥密不驕樂天生神章第五

天炁黃色

靈寶真經

金書秘字云此天魂精上陽之炁

帝真藏府命元五仙中靈之炁

帝諱靈霍壽

靈

道藏輯要

九天生神王經

三

房集三

靈寶真經

雲笈七籤云龍漢元年化生絳霄五仙君此天中之帝以真炁為藏府命元天以陰陽木火土金水五行之炁成人之形內列肝心脾肺腎以藏魂神意魄精在天為五星為五帝在

人爲五常於用爲視言思貌聽修真之士使五炁居中以結命元故曰五仙中靈

翻翻五帝駕飄飄之上門遊步黃華野回靈驕樂端採集飛空景舊爽多不存

翻翻飄飄皆飛揚貌五帝者不驕樂天帝也常命駕出遊之上門者玄都門也黃華卽太虛沖和之際回靈者徘徊靈駕於天端下觀世界欲采集飛散之魂使之還生奈歲月幽遠舊爽消磨所存無幾矣前達云一失人身萬劫無良可痛哉太微回黃旗無英命靈幡攝召長夜府開度受生魂

前言舊爽多不存慮消散於剛風或沉溺於諸趣於是命太

道藏輯要

九天生神玉經

三

房集三

微中小童名景精常在帝前回轉中黃之旗以集遊爽又命无英公子主肝魂之神執命靈幡以召魂炁使之受鍊更生太微按度人經青玄注云南極長生大君卽朱陵大帝治太微垣司火鍊事幽魂久居沉滯當入火鍊以破陰濁以復陽光俾心源一淨業垢皆空因虛化神復還人道

公子輔黃甯總錄具形神玉章洞幽靈五轉天地分炁鍊元藏府紫戶自生仙

公子無英魂神黃甯乃精血三真名元生君魂與精血相轉總錄爲一則形神整具洞幽者微顯闡幽也修真之士使炁炁回旋帝真在定金光明徹流雲徘徊自然虎嘯風生龍吟

雲聚大寶成矣或曰天一生水以定性也地二生火以定心也天三生木以定形也地四生金以定炁也天五生土以定中宮是謂攢簇五行度人經十轉回靈圖謂乾九坎一成十坤六離四成十巽二兌八成十艮三震七成十爲十轉回靈盡周天之極數萬炁還元之道乃知天三木與地二火同居而成一五地四金與天一水同居而成二五戊己自以五數居中和合四象而生嬰兒是謂三五歸一又按河圖天一地二天三地四天五乃水火木金土在天之生數也一得五成六蓋水見土則止二得五成七火以土而養三得五成八木因土而植四得五成九金籍土而生五轉天地分者四象本

道藏輯要

九天生神玉經

罕

房集三

自然雖屬乎天皆有名无形得土和合始成有象屬乎地也自此五轉之後五炁五精五神凝結昇於紫戶丹功成矣數周眾真會啟陽應感繁玉女灌五香聖母慶萬年三界並歡悅稽首禮天尊

數周九轉也修真火候內丹成須用功九轉如人懷妊九月也啟陽應感繁謂陽神既成身中造化感通吉兆甚多人能勤苦修爲到這境界白見效驗灌五香者黃華玉女引五方真炁灌沃其身也又云丹熟生香透骨覆頂聖母卽乾元聖母前降生時曾衛房保形今見道成豈不欣慶天神地祇向曾備守至此亦爲之悅然則生成大德當歸諸天故曰稽首

修真之士魂魄五臟皆已鍊成陽神上感應聲天之炁以滋其靈靈卽炁也沖融者神炁和悅至此陰濁已盡陽明洞煥煖然如春

應聲无色界霄映冠十方回化輪无影冥期趣道場靈駕不待轡朗然生神章

應聲无色界者明爲无色界天也霄映冠十方謂光明映諸天爲十方之冠回化輪无影與造化相友而不見形迹冥期趣道場暗合於大道之域度人經青玄注云无色界天人塵染俱淨洞入自然身形微妙或大或小無復色象人不能見故云无色界頌云漸入無爲至道宗一塵不染意圓通回眸

道藏輯要

九天生神玉經

三

房集二
八川上

下視三千界萬法都來一箇空玉章上五章言命宗下四章言性宗使人保命以長存明性以超脫也靈駕者南華經謂御六炁之辯以遊無窮又何待轡乎至此地位始知生神章之妙朗然不誣矣丹訣云修鍊至五轉眞陽全魂化爲神六轉眞陰全魄化爲炁魂魄內全日中遊行無影與日純陽爲一自茲鬼神不可見陰陽不可測矣

空洞諒無崖玄爽亦爲強鍊胎反本初長乖飛玄梁蘄畜喪天真散思候履常斬伐胞樹滯心遊超上京

空洞太虛豈有崖際玄爽亦爲強者言鬼魂始爲人時與聖賢無異安得爲弱因歷劫生死所受天真爲情欲凋喪遂不

強矣玄梁慶眞羽章云翻翻振九霄悲鳴喚玄梁知爲大中禽名乖不同也謂鍊胎返本之功正欲收斂安靜不可同玄梁輕飛也斬願也南華經云澤雉十步一啄百步一飲不斲畜乎樊中譬雉在外飲食雖艱終不願畜養籠中不得自由如人受羈絆鬱結以喪天真但欲散逸情思履踐常道然後斬伐胞胎樹滯死烝了無罣礙可以心遊玉京矣願會既玄玄悟我理無忘介福九天端交禮地辰良願會者悟玄玄之道方契素願也既解悟則是非人我皆忘之矣至此福不期而介辰不擇而良何迪非吉

混化歸元一高結元始王稽首傳靈運長謝囂塵張

道藏輯要

九天生神玉經


三

房集三

混合造化三元之烝復歸於一上應元始下主一身所謂天尊雖遠妙近緣泥丸君是也學仙道成之日必應良辰謝絕也囂喧也張飛揚也言自此永絕喧囂塵埃飛揚之境

靈化梵輔天生神章第七


天烝紫色



金書秘字云此天魂精正陽之炁

帝眞元府命元高仙洞笈之炁

帝諱霧雲霽



雲笈七籤云龍漢元年化生玉霄洞笈君此天中之帝以眞炁爲元府命元之始

道藏輯要

九天生神玉經

器

房集三

西嶽寶真人云人生七月七精開七竅通光明外耳目口鼻
內心孔皆明朗自然知覺修真當此七轉已造七覺之地冥
慧洞清根塵斷絕有無皆空萬法除滅凡先劫後劫三界十
方他我根源過去未來七通八達上下貫徹萬理具焉故曰
高仙洞笈

玄會統無崖混炁歸梵輔務猶運靈化潛推無寒暑乘數構貞
條振袂拂輕羽瓊房有妙韻汎登高神所

玄會者萬道之宗統攝三界妙用安可限量混炁者混合飛
玄之炁歸於梵輔之天以復太初也務猶乃太一尊神號務
猶收守人泥丸後戶在天潛運造化寒暑無間乘數構眞條

者乘此七過之數陽光凝合百骸貞固如樹之條枝也振袂
拂輕羽將欲飛騰於是忽聞泥丸瓊房九宮之中自成宮商
喜炁衝躍火龍玄鶴交舞身中萬神盡登高上神宮與天帝
君上一赤子合而爲一此之謂瓊房有妙韻汎登高神所
圓輪無停映真仙森列序上上霄衢邈洞元深萬巨秀葉翳翠
霞停蔭清冷渚

按靈寶畢法此超脫法也神光洞照透出軀殼上昇太虛與
真仙同列至於雲衢遐邈旁觀洞空洞虛太玄無邊之際下
有巨萬之深而我獨露堂堂在清靜性海之中浮秀葉翠霞
之羽蓋下映清冷之渚湛然常寂矣八素陽歌云我超騰羽

道藏輯要

九天生神玉經

聖

房集三
X113

蓋徘徊清冷渚

遨翫怡五神繁想嘯明侶五難緣理去冲心自怡處

論超脫在一躍之頃慮五炁之神出而未熟則時出時入遨
翫而習熟之或動雜想則嘯詠以散之則百神皆和明侶身
中神也五難諸說未定恐五帝之魔尙相試難可以理遣俾
性天清潔無一毫人欲之私方合至道蓋修鍊至超脫爲極
功一時變化最防魔試故丁甯焉

爽魂隨本根疊疊空中仁七誦重關開豁滯非神武運通由中
發高唱稽首舉

性者命之靈也心者炁之主也心既無累性天朗明白已爽

魂伫於太空疊疊無怠而不離於本根本根者元炁也七過
關竅豁開法身獨見煩惱死生不能爲累非玉章有神武之
功安能如是敏速耶運通由中發者有諸內必形諸外也高
唱稽首舉者朗吟而昇舉也

道藏輯要


九天生神玉經

巽

房集三
二二

高虛清明天生神章第八


天炁碧色



金書秘字云此天魂精通陽之炁

帝真華府命元真靈化凝之炁

帝諱靈氣泓澄



雲笈七籤云龍漢元年化生琅霄化凝君此天中之帝以真炁為華府命元之始

西嶽竇真人云人生八月八景神具降真靈也真靈既降五

道藏輯要

九天生神玉經

七

房集三
川上八

臟亦生華大洞有十華觀門紫戶天一精通太元丹華地二炁通凝玄青華天三神通萬生素華地四梵通十方黃華天五始通太清瓊華地六始通冥陰金華天七始通太玄綠華地八元通上清碧華天九元通玉虛瑤華地十玄通玉清混洞太无十華接空此真靈化凝之炁也

清明重霄上合期慶雲際玉章散冲心孤景要靈會

清明天帝在重霄之上乃無色界以上之天也與諸天期於慶雲之際誦玉章以發翛散冲逸之心慶雲非烟非雲太和妙炁也司馬真人曰孤景華府之子乃要靈府之君嘗會於此

煥落景霞布神衿靡不邁玉條流逸響從容虛妙話

此皆紀天上景物之辭景霞者霞彩明煥錯落也衿與襟同
言胸次無不超邁玉條逸響其天風動騫林之聲乎大洞辭
有玄歌散冲襟玉條流逸響正謂此妙話會真仙共談玄理
也

靈音振空洞九玄離幽裔感爽無凝滯去留如解帶明職生神
章高遊無終敗

學仙既度自已當推神章之功上報九玄下資幽爽皆令聞
經頓悟出入自在不復爲宿障凝滯去留生死如解衣帶然
前輩有語云來如著褪去如脫袴言無可戀也果能明識玉

道藏輯要

九天生神玉經

吳

房集三
川上八

章奧妙成超脫之功則真性長存歷劫不壞

玄景耀雲衢跡超神方外應感無方圓聊以運四大研心稽首
誦眾聖共稱快

玄景龍名真人乘龍上天光耀雲衢蹤跡超乎神方之外以
其變化法身故能隨機應感運四大者運行於無色界四天
也共稱快者翊聖真君有言曰今日明日可惜可惜大限到
來有何功力使不得口頭言用不得紙上黑十方諸聖點頭
時此是學人真箇得

无想无結无愛天生神章第九

天炁黑色

雲笈七籤云龍漢元年化生神霄玄照君此天中之帝以眞
炁爲獄府命元之始
浮山眞率曰無色界上種民天也人之本性湛然虛明譬如
太虛不容一物妄想諸愛如空中花生死輪迴如結空果人

金書秘字云此天魂精萌陽之炁

帝眞獄府命元自然玄照之炁

帝諱靈淵靈齊

道藏輯要

九天生神玉經

晃

房集二
一
二

雲笈七籤云龍漢元年化生神霄玄照君此天中之帝以眞
炁爲獄府命元之始
浮山眞率曰無色界上種民天也人之本性湛然虛明譬如
太虛不容一物妄想諸愛如空中花生死輪迴如結空果人

能返本還元一念不生萬緣頓息乃生此天始爲不壞修真之士始於克念至於無念諸陰消盡真性圓明決超三界此卽不壞真空無上法身也

左侍真人曰嶽府人之腦骨也始生形旣具則必有靈以主之有靈故有元有元故有華有華而後生嶽乃諸神出入之門必待全具方合腦骨以固之今小兒有顛門是其處也爲其炁回滋本根諸神所居謂之靈蓋以其靈能返照於下故曰照

無結固無情之虛中澄輪化無方序數來亦叵乘

至人澹泊心無結固性無情動清靜而有定不隨運化次序

道藏輯要

九天生神玉經

辛

房集三
川文上

輪轉亦不乘陰陽變遷也

誰云無色平峨峨多邱陵冥心縱一往高期清神徵良遇非年歲劫數安可稱

無色卽無色界上清之境也誰謂此地平坦亦有炁化高邱大陵如玉山上京峨峨然可以登覽學仙者若欲冥心縱遊期須三清徵召方得至彼實千載之良遇也

浮爽緣故條反胎自有恆靈感動太虛飛步霄上冰津趣鼓萬流潛凝真神登無愛故無憂高觀稽首昇

浮爽返胎卽大洞經億曾萬祖歷劫種親遊爽散滯俱得更生蓋子孫祖考同此一炁我身旣度祖宗亦得返胎成仙自

然之常理又何疑焉况身中之靈本太微三一之神洞合太
虛可以飛騰於霄漢高寒之上矣津趣鼓萬流者問津自天
河也紫微夫人云玄波振滄濤洪津鼓萬流駕景盼六虛思
與佳人遊是也雖曰進登天仙亦須潛神凝真愛緣淨盡始
遂逍遙乃知愛者憂之本也無愛則無憂矣嘗謂人之性天
本來清靜澹然如水不受一塵汗則歷劫長存一爲愛染
則癡雲蔽天業風蕩水不復清靜矣其始因愛生貪因貪生
煩腦妄想叢雜擾擾勞勞諸苦所萃流轉生死出沒於欲海
波濤之間曾無了期業識滋焉地獄生焉且七情六慾皆能
害性何獨於愛殊不知愛乃業緣之萌孽情欲之梯媒以其

道藏輯要

九天生神玉經


至

房集三
川上

甘柔有毒使人惑而不知漸漬日深盤結愈固自非智慧勇
猛有定力了悟真常之士孰能斬絕九章之功自修鍊結胎
至於上昇能事畢矣而猶以愛爲言者恐人翫習爲常而不
知爲永劫憂患之本分毫洗滌不盡不能超脫故聖人於末
章抽關啟鑰其義遠矣若夫高觀天衢稽首上昇切有俟於
來者焉

大極真人頌

太極神澄大帝



大道雖無心可以有情求

作

道德經謂吾不知其名字之曰道強名之曰大然則道本無名又安得有 heart 哉惟求道者不可不用情

道藏輯要

九天生神玉經

垂

房集三
三三川

伫駕空洞中回盼醫滄流淨明三界外蕭蕭玉京遊

真人伫靈駕於空中回觀滄海渺若塵翳如坡仙謂渺滄海之一粟三界者欲界色界無色界也身心出三界之外淨明無礙可以遊宴玉京

自無玄挺運誰能悟冥趣落落天漢澄俯仰即虛柔

自非天生挺特應運之才孰能悟此幽默之旨俯仰天地間至樂存焉虛者天之形柔者地之性

七玄散幽夜返胎順沉浮

七玄七魄也返生胎息順陰陽而沉浮也

冥期苟潛凝陽九無娛憂

生死之期陽九之災冥默有定苟能潛光凝神不足為懼南華經謂安時處順哀樂不能入也

覩此去來會時復為淹留外身而身存真仙會良傳

真人觀人生死去來之速謂未死之間得以淹留當勉於修省能無容心於內外則全其真矣道德經云外其身而身存斯人也其真仙之良傳乎

疊疊玄中趣湛湛清漢波代謝若循環椿木不改柯

玄玄之趣如清漢之水不絕也代謝生死苦於輪回無定惟得道者特立如大椿不隨眾木開落星霜屢閱而柯葉不改南華經曰死生亦大矣而不得與之變

道藏輯要

九天生神玉經

卷三 房集三

靜心念至真隨運順離羅感應理常通神適遠自徂

靜心念至真志於道也羅網也隨陰陽之炁運行離諸疑網有感必應徂往也言無所往而不通

淡遊初無際繁想動九返飛根散玄葉理返非有他

遊心於淡合炁於漠此樂何極繁想若動一念飄蕩九返喻如樹之根葉飛散培養之則深根固蒂人之想念繁雜靜定之則神還炁聚皆自致也非由外也

常能誦玉章玄音徹霄霞甲申洪災至控翮王母家

常誦味道之腴臆合造化飛神瑤池之上又何患乎洪災南華經云大浸稽天而不溺

永享無終紀豈知年劫多

以道為身不生不滅太虛中長存也

音釋

炁音氣出 闢毗亦壯士 遠離上於願切駭下措 闕音處音

友別筆列切 咀在呂餐千安 重悟容切 賞監下音 雍觀上音

官料別上音 皆應下音 篤好下音 羅籬音 氣冠下音 綜

子宋 笈音及又 監真上音 繒慈陵 溉音和胡卧 空洞下音 哺

步蛻音 稅石蕩音 葩披巴 歛許勿 驕樂下音 冠十上音 趣促音 斬音

五難下作 壘音從七容 叵普火 冥趣下音 遂速音 徂莊加 翻音

道藏輯要

九天生神玉經

番 房集三

